



Ka moka re nametše pese ya sekolo,
gomme re ya go bona dipolasa tšeо di
lego kgauswi le sekolo sa rena.



Lamathomo re eme polaseng ya merogo.

Re bone rapolase wa mosadi, a nametše
terekere ya gagwe.

Re bone dikhabetše tše ditalamorogo,
ditamati tše dikhubedu, ditapola tše
diphiswa, mmidi wo motelele le moba wo
motelele kudu.




Rapolase o re file moba gore re kwe
tatso ya wona. O be o na le swikiri ye
ntši kudu.

Gape re bone disonopolomo tšeо ka
tšona re dirago oli.



Re ile polaseng ya dikgomo.
Rapolase o rekišetša raleselaga
dikgomo.



Re tlogile ra leba polaseng ye go

gangwago dikgomo gona.

Re bone rapolase a gama dikgomo.

O romela maswi lebenkeleng la go
rekiša maswi.

O re laeditše gore re dira tšhese le
potoro bjang ka maswi.



Ka morago re ile polaseng ya dikgogo.
Rapolase o re bontšhitše dikgogotshadi
le ditsuana. O re laeditše mokgwa wo
ka wona a kgoboketšago mae ao a a
rekišago kua suphamakete.



Ge re boela gae, re ile ra ema
mabenkeleng go reka tša go ja. Re
thomile ka go ja malekere a go dirwa
ka moba. Ka morago ra ja ditšhokolete
tša go dirwa ka maswi a dikgomotshadi.
Mafelelong ra ja mahea a mabose a go
tšwa polaseng ya merogo.




Bjale re boile, re mo sekolong.
Dimpa tša rena di tletše ebile re
lapile kudu.

8

Thušo kua kgweleng ya maoto





Lehono re phadišana ka kgwele ya
maoto. Re hutša gore re tlie go thopa
sefoka.



Lebelela Rori, lebelela Boati.
Lebelela gore ba kitima ka lebelo le
lekaakang. Lebelela ka mokgwa wo Rori
a ragago ka maatla ka gona!



Aowi! Peter wa batho!
Bolo e iteile nko ya gagwe!
Bona, o tšwa madi! Thušang!
Ke mang yo a tlago go thuša Peter?



Maphoko le Paul ba tla ba kitima.
Ke bona balebeledi ba Thušo ya Potlako
mo sekolong.
Ba swere lepokisi le legolo la Thušo ya
Potlako. Ba apara ditlelafo tša bona.




**"Dula fase, Peter. Šomiša thišu ye gomme
o pinyelele nko ya gago e tswaletšwe,"**
gwa realo Paul.

"Khunamišetša hlogo pele," gwa realo
Maphoko.



O se ke wa ba wa kgwatha madi a
motho yo mongwe.

O swanetše go apara ditlelafo ge o
thuša motho yo a tšwago madi.




Ee, go a thabiša. Papadi yela e thoma
gape. Nweeee! E nwele!
Sekolo sa Praemare sa Lesedi se thopile
sefoka. Agee ...! Iiiiu! Šatee!

q

Letšatši la dipapadi la diphoofto



Lehono ke letšatši la dipapadi
la diphoofto.



Ke kgona go tshela.
Ke kgona go tshelela godimo kudu.
Wena?



Ke kgona go raga.
Ke kgona go raga ka maatla kudu.
Wena?



Ke kgona go foša.
Ke kgona go fošetša godimo kudu.
Wena?




Ke kgona go swara.

Ke kgona go swara gabotsebotse.


Wena?



Ke kgona go thutha.
Ke kgona go thutha ka lebelo le legolo.
Wena?



Ke kgona go kitima.
Ke kgona go kitima ka lebelo kudu.
Wena?



Re ka fenza.
Re bafenyi.
Ka moka re bafenyi!

10

Mokgwa wa go dira salate ya dienywa

Ditswaki



namune e |



phopho e |



phaeneapola e |



diapola tše 2



dipanana tše 2

Didirišwa

Thipa



Lepolanka



Sebjana



Sediramatute a dienywa



Mokgwa

1



Ebola diapola gomme o di ripelele
ditsekana.

2



Ebola dipanana o be o di segelele.



3



Ebola phopho gomme o e ripelele
ditsekana.



4



Ebola phaeneapola gomme o e ripelele
ditsekana.

5



Tswaka dienywa ka sebjaneng.

6



Pitla dinamune.

31

7



Tšhela matute a namune godimo ga salate.

II

Go thala diswantšho tša rena



O thala eng?
Ke thala seswantšho sa sekepe se segolo.




Na Peter o thala eng?
Peter o thala setimela seo se
swanetšego go mo iša Motse-Kapa.



Na Boati o thala eng?

Boati o thala seswantšho sa paesekele
ye a e filwego ka letšatši la matswalo a
gagwe.



Na Mike o thala eng?
O thala seswantšho sa karikana ye e
mo išago sekolong.



Na David o thala eng?

David o thala helikoptere ye e fofago
ka godimo ga sekolo sa bona.



Ann o thala jambojete ye kgolo ye e
tlogo go mo iša mošewamawatle.



Ke thala sefatanaga sa lebelo le legolo
sa go beabeana le difatanaga tše
dingwe! Enjene ya sona e na le lešata
le legolo! Vuum! Vuum! Vuum!



Ke thala sephatšamaru se se tla
nkišago lefaufaung.
Ke tla bona dinaledi, ngwedi le
diplanete.



Lehono ke letšatši la ka la matswalo.
Mosepetšaposo o ntlišeditše mpho.
Ke a makala gore ke eng?
Ke a leboga Morena Mosepetšaposo.



Ann o utsweditšwe.
Maphodisa a tlide go tlo mo thuša.
Ke holofela gore ba tla swara lehodu.




Mogoroši o hlagetšwe ke kotsi.
Bathušadingaka ba mo išitše
bookelong. Ngaka le mooki ba thušitše
Mogoroši. Mogoroši o tla fola ka pela.



Ntlo ya Lebo e a swa.
Borasetimamollo ba tlide ka lori ya
setimamollo ye kgolo ye khubedu.
Mollo o tla tima ka pela.



Mpša ya Josefa e a lwalā.
O e išitše ngakeng ya diphoofolo.
Ke hutša gore mpša e tla fola ka pela.



Sam o bolawa ke meno.
O ile ngakeng ya meno.
Ke hutša gore Sam o tla be a
myemyela e se kgale.



Mapula ke rapolase.
O re bjalela merogo gore re je.



Mohumagatšana Makwela ke
morutišigadi wa rena.

O re ruta go bala le go ngwala.

O re ruta go penta le go thala.

Re rata morutišigadi wa rena.